
Ўзбекистон туманида 2 нафар алимент тўламаган отага қамоқ жазоси тайинланди

Жиноят ишлари бўйича Ўзбекистон тумани суди муттасил равишда алимент тўлашдан бўйин товлаб келган 2 нафар шахсга нисбатан 15 кунлик қамоқ жазосини тайинлаш бўйича қарор қабул қилди.

Хусусан, ЖИБ Ўзбекистон тумани судида ўтказилган суд мажлисида фуқаро К.Б. - 4 млн. 650 минг сўм, У.Х. - 7 млн. 20 минг сўм миқдорида ҳисобланган алимент пулини тўлашдан бўйин товлаб келгани таъкидланди.

Ўзбекистон Республикаси Маъмурий жавобгарлик тўғрисидаги кодексининг 47-4-моддаси 1-қисмига асосан, суд ушбу шахсларга нисбатан 15 суткадан маъмурий қамоқ жазоси тайинлади.

Шунингдек, МИБ Ўзбекистон туман бўлими томонидан фуқаролик ишлари бўйича Ўзбекистон туманлараро судининг 19.12.2018 й. кунги 2-1503-1803/5480-сонли ижро ҳужжатига асосан қарздор О.А. дан ундирувчи Д.О. фойдасига вояга етмаган 2 нафар фарзандларини моддий таминоти учун 15 млн. сўм алимент пуллари ундирилиб, ундирувчига топширилиши таминланди.

Мажбурий ижро бюроси Ўзбекистон туман бўлими

2021-11-26 19:00:51